



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

# MOELETSI OA BASOTHO

PARARE DOMINO PLEBEM PERFECTAM



**A ka hlanola  
tlhabela**

**Basotho ba  
lutse ka se le  
seng**



## LITSI LI FETOLA THIFA



**Access Our Books on Akello Library!**

Explore a wide range of our books anytime, anywhere.  
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

**Follow the link**

## MOELETSI

## Sepa leholo ke la molata

**M**athata a e ntse a e-hloa manolo holimo ho sechaba sa Basotho se phelang Naheng ea Afrika Boroa, kaha naha eo letsatsi ka leng e tla ka khoba e ncha nako le nako. Pejana e ne e hanela Basotho ka litšebeliso tsa bophelo, lekhetlong lena e koetse lipoloko tsa lichelete libankeng ntle ho tlhaloso ea letho. Bohloko ke hore ketso ena e bosula e entsoe haholo basebetsing ba fumanang meputso e fokolang joaloka ba sebetsang malapeng. Lichelete tsa bona li faretse 'me seo se thatafatsa bophelo ba bona 'moho le ba bana lapeng koano hobane ba phelisoa ke bona. Har'a ba sokolang hape ke bahoebi ba Lesotho ba sebelisang libanka tsa Afrika Boroa ho phetha mabaka a khoebo. Afrika Boroa mohlomong e ntse e etsa lintho tsena tsohle ho itšireletsa kaha e lla ka hore Basotho ha ba fihla moo ba etsa litlole tsa molao tse ngata. Empa 'nete e teng ke hore ha se Basotho bohle ba etsang joalo, 'me ho ea ha bona naheng eo ho thusa ho nyolla moruo oa linaha tsena ka bobeli.

E le ho sireletsa litokelo tsa Basotho hape e ntse e le mohato oa ho boloka likamano tse ntle lipakeng tsa linaha tsena tse peli, ho bohlokoa ho lula fatše ho tšohla tsohle tse ngongorehisang naha ka 'ngoe. Baahisane ha ba phela 'moho 'me e mong a sa khotsofala ba ee ba lule fatše ho shebisana se bakang likhohlano, e se ebe e mong o sa tsoha a koaepile feela ntle le tlhaloso ea letho. Hoo ho ka halefisa e mong ebe le eena o ba le moea oa boiphetsetso 'me a chehele eo leraba. Joale o ka nketsa'ng ha e ahe motse, motse ho ahoa oa borapeli Thesele. Re se re ipiletsa ho baetapele ba rona, haholo Letona la Machabeng ho etsa litlhophisso kapele-pele ho loanela Basotho bao hobane ke bana ba habo rona.

Vodacom Lesotho Foundation 'moho le Mokhatlo oa Machaba oa Lesotho (UNFPA) li thehile selekane ka morero oa ho loants'a tšekefetso oa bong (GBV), e siang basali le bana e le mahlatsipa. Vodacom Lesotho Foundation e ne e se e ntse e tsoelapele ho tšehetsa mahlatsipa ana 'me tšebeliso 'moho ena ho hlakile e tl'o thusa ho batalatsa mabala le ho fihlela moo ebang Vodacom Lesotho Foundation e ne se sitoa kapa e e-s'o fihlele teng. E meng ea morero e teng kahar'a tumellano ena e kenyetsa ho thusa mahlatsipa ho boela e e-ba karolo ea sechaba, empa eo e leng ka sehlohong 'me e bohlokoa ke ho kopanya mahlatsipa le balekane ba bona. Hona ke hona ho phekoa le ho shebana le sesosa sa taba, ho e-na le ho alafa litlamorao feela. Ho fumanana sesosa se lukang likamano lipakeng tsa balekane ke taba ea bohlokoa, 'me ka nako e 'ngoe ho ka fumanaha hore ha ho liqabang hakaalo empa e le taba eane ea hore ho latela Basotho, "mosali o laeloa joaloka ngoana." Athe joale mehla e fetohile bohle ba na le litokelo. Mohato ona ruri rea o thoholetsa 'me re rapella bohle ba tla o kenya tšebetsong ho etsa joalo ka hlokolosi e kholo, kaha ba tl'o thoba lipelo tse matetsetso, tse robهيلeng.

Setsi sa Thibelo le Toantšo ea Bobolu le Bomenemene (DCEO) se sitiloe ho fana ka bopaki kapel'a Lekhotla le Phahameng nyoeeng ea Letona la mehlang Ofising ea Tona-Kholo, ka lebaka leo Lekhotla la nt'o qhala nyoe 'me letona la fumanoe le se molato. Leha ho le joalo DCEO e hlalosa e ke ke ea lesa litaba tseo feela, e tl'o tsoelapele ho phenya-phenya eo mahafi. Ana hoo ha se ho senya lichelete tsa sechaba feela mahala? Haeba DCEO e hlile e tiisitse e batla toka mabapi le litaba tsee, e sitiloe ho fana ka bopaki hobane'ng? Ke'ng eo ba tl'o e etsa e fapakaneng le ea pele?

Ka lehlakoreng le leng paki ea mofapahlooho nyoeeng ea Moetapele oa Mokha oa Selekane sa Basotho (BCM), e re eo a se fuoe beili kaha a ka hlanola tlhabela hobane bukana ea hae ea ho eta ho shebala e na le litempe tse ngata etsoe a e-na le boetapele bo bangata mose ho Mohokare. 'Muelli oa hae o bontšitse ha eo a e ne a phetha mabaka, hape ka nako eo o ne a e-s'o be le nyoe kapel'a Makhotla a Molao. Ho feta moo o tla baleha joang a e-na le lelapa le tšepetseng ho eena? Ebile molao oa mo lumella hore a fuoe beile ha feela ho se mabaka a hlakileng a mo sitisang ho e fumana.

## MOLIMO A BOLOKE LESOTHO LE BASOTHO

## Litsi tsa Tšireletso li fetola thifa

## Nthabeleng Seitlheko

**M**ongoli e Moholo oa Lekhotla la Puso ea Sechaba (DC), Tšitso Cheba o re ho feta ha karolo ea molao oa tlhopho-bocha ea Litsi tsa Tšireletso ke ntho e kholo e tl'o thusa ho tliša khotso le botsitso kahar'a tsona kaha esale e le tlhoba-boroko ea nako e telele ka tsela ea khiro le ho phahamisana baokameli. Litaba tsena, li hlaheletse puisanong le Koranta ka la 19 Phato monongoa.

A re leha khiro e tl'o etsoa ka boiketo bo fapakaneng empa ha b'a lokela ho amoha tona-kholo matla ho tuu! Litabeng tsa ho beha leihlo tšebetso ea litsi tseo ka le reng e ka mo fa bothata kaha a lokela ho bona hore litlole tsa molao li'a fela e leng se labalabeloang ke sechaba.

O itse ho tl'o ntlafatsa Litsi tsa Tšireletso le ho tliša tšepo ho litho tsa litsi tseo kaha khiro e se na ho etsoa ka litšekamelo le liphahamiso. O re e mong le e mong o tla fuoa monyetla oa ho ikemela mosebetsing ho latela litsebo tsa hae.

O re ba rata ha tlhopho-bocha bocha e fetile empa ho ne ho lokela hore ebe ho latetsoe tsela e nepahetseng eseng e fetisoe e sobokelloa lintlha li sa hlaka hantle kaha ho se molemong oa sechaba.

"Moo re leng teng re na le letsoalo hore Makhotla a tl'o emisa mosebetsi oo kapa a o qhale ho latela tsela eo 'muso

o sebelitseng ka eona." A ri-alo.

O re taba ea hore Lesotho le tsitsitse ke hobane ho na le batho ba iphanyetsang litaba tse ngata tse seng hantle, hoba hoja ba ne ba sa rate ho bona naha e tsoile kahar'a linaha tse tlasa bolisa ba SADC, ba ka be ba entse mehoanto ba shebile tšebeliso e mpe ea Litsi tsa Tšireletso kahar'a puso.

A re ntho e bohloko ke hore ho ka etsahala mebusong e tlang naha ena e iphumane e khutletse kahar'a lethathamo la linaha tse boliseng ba SADC ho latela boemo le tsamaiso.

H'a phethela o hlalositse hore mekhatlo ea sechaba e putlame e leng eona e neng e thusa ho fana ka thuto sechabeng, 'me taba ena e etsa hore re be le sechaba se sa fumanang molemo oa lipolotiki le bohlokoa ba ho sireletsa melao e tsamaisang naha ena.

A re ho bohlokoa hore bacha ba se ke ba nyahamele litaba tsa naha, ba li sale morao, 'me ba lokela hore e le mekha le makhotla a lipolotiki ba fane ka thuto sechabeng e le ho koala sekheo se sihiloeng ke mekhatlo e ikemetseng.

Ho sa le joalo, kahar'a tlhopho-bocha ea Litsi tsa Tšireletso eo e neng e le tlhoba-boroko ka khiro le phahamiso tsa basebetsi, tlhopho-bocha ea litsi tseo e thehile lekhotlana leo e tla ba lona sehlohlolo sa tsamaiso ea Litsi tsa Tšireletso.

Komisi e reretsoe har'a tse ling ho etsa leano la naha la

litaba tsa tšireletso, moralo o laolang litaba tsa khiro, moralo oa liphahamiso tsa basebetsi leho sebetsana le thonyo ea baokameli.

Melao ena e re tona-kholo a se hlole a kena Litsing tsa Tšireletso ho supa ba ka thonngoang ke Motlotlehi ho okamela litsi tseo empa mae-mo a bookameli litsing tseo a tla iketeloa ke basebetsi ba litsi tseo ho tloha ka ba mae-mo a itseng 'me taba eo e tla tataisoa ke komisi eo.

Boiketo boo bo tla etsetsoa lepalapaleng moo ho ka lebeloang hore karolo ea sechaba e be le seabo joalokaha ho ntse ho etsoa ha ho hiroa baahloli, 'me boitšoarō bo ka sitisa motho ho ba mookameli oa litsi tseo.

Setsing ka seng ha ho phethetsoe lipotso, batho ba bararo ba tla hlaha ba ipabotse setsing ka seng, ba tla isoa ho tona-kholo moo eena a tla ikhethela a le mong 'me a eletse Motlotlehi ho etsa motho ea joalo mookameli oa setsi.

Tona-kholo o tla etsa thonyo a ipapisitse le makhabane a fumanoeng ho motho ka mong ho bao ba bararo setsi ka seng.

Mosebetsi ka mong o tla phahamisoa ho latela makhabane le boiphihlelo mosebetsing kamor'a tlhahlobo e tla etsoa selemo le selemo.

Ka la 17 Phato monongoa ha Naheng ea Madagascar, Lesotho le ile la hlompheua ke Seboka sa SADC ka ho amohela Molao oa 10 oa Phe-toho ea Molao oa motheo. Ka lebaka la tsoelo-pele ena, Lesotho le tloisitsoe lenaneong la Organ Troika e le pontšo ea hore naha ea rona e se e tsamaea tseleng ea botsitso le bonngoe.



Contacts: +266 28350 466

62600983 WhatsApp

Email: [newsroom@moeletsiobasotho.co.ls](mailto:newsroom@moeletsiobasotho.co.ls)

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO  
A LOKISETSE MORENA SECHABA SE PHETHEHLENG (LUKE 1:17)

## Editorial

Lesoetsa Rakubutu

(+266) 6203 1949 / 58190670

EMAIL: [editor@moeletsiobasotho.co.ls](mailto:editor@moeletsiobasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

## Journalists

Nthabeleng Seitlheko

57 665 038/ 68 216 271

Tšeliso Thakholi

58 540 853/ 63 480 404

Production Desk: 'Mateele Liqa

# IEC e'a imatlafatsa

## Nthabeleng Seitlheko

**K**omisi e lke-metseng ea Likhetho (IEC) ka tšebetso ea lichelete ea European Union (EU) le United Nations Development Programme (UNDP), e tšore thupelo holima tšeho ea mabatooa mabapi le ngoliso ea bakhethi le karohano ea meeli e qalileng ka la 19 ho fihlela ka la 22 khoeling e holimo.

Thupelo ena e reretsoe ho matlafatsa bokhoni le litsebo tsa basebetsi moralong oa tšebetso le tsamaiso ea ngoliso ea bakhethi hammo ho le tšeho ea mabatooa, ho latela molaoa motheo le maemo a machaba.

Moeletsi e Moholo oa Likhetho ho tsoa UNPD Lesotho, Shalva Tskhakaya o itse 'moka o tl'o shebana le litaba tsa thuto ka likhetho le ngoliso ea tsona, 'me a re ba na le tšepo ea hore ha 'moka o fihla pheletsong, ba fuoeng thupelo ba tla be ba e-na le leseli litabeng tsa molaoa motheo mabapi le ho khethisa le tsamaiso ea likhetho.

A re likhetho li lokela ho sireletseha kaha e le thepa ea sechaba 'me ba e sebelisang kapa ho sebetsa ho eona ba lokela ho ba hlokolosi. O re taba eo e bohlokoa hobane e thusa likhethong tse nang le ponaleto kaha'r'a sechaba le boiphihlelo ba naha ntlafalong ea likhetho.

Mookameli oa IEC Adv. Mpaiphele Maqutu o itse thupelo ena ea matsatsi a mane, e reretsoe ho fa ba rupeloang litsebo, lisebelisoa le mekhoha ea tšebeliso 'moho le ho ntlafatsa bots'epehi, ho kenyeletsa batho bohle le katleho ea tšebetso ea ngoliso ea bakhethi le tšeho ea mabatooa.

A re ke takatso ea bona hore komisi moo e sebelit-seng teng kamor'a likhetho ho be le ponaleto, khotso le ntlafalo ea sechaba. A re likhetho ke ntho e kholo ebile li matlafatsa naha le sechaba hape li'a se kopanya. A re ba tšoare ka tha-ta ho itokisetša likhetho tse tlang hore ba lule ba ntlafetse.



## Tlhopho-bocha e fupere life?

e le molao ka hoo o re ho Har'a litaba tse ling tse hla-bohlokoa hore o sebelisoa hellang kahar'a molao oa

## Nthabeleng Seitlheko

**S**etho sa Khek-hethane sa Ko-bo-Tata ea Basotho (ABC), Montoeli Masoetsa o re boikemelo ba litsi tse 'maloa tse neng li ikarabella tlasa tsamaiso ea makala a 'muso ho tl'o thusa ntlafalong ea phano ea litšebeletso le ponaleto nakong ea khiro kaha bohle ba tla ba libakeng tse joang ba tla tšoareloa lipotso pepene-neng. O boletse tsena, puisanong le Koranta ka la 19 Phato monongoaha.

O re ke bona ba fetisitseng molao oa 10 oa tlhopho-bocha 'me ha ba bone phoso litabeng tseo hobane ho thusa hore tsoelopele e be teng. Ha joale hoo e se



ntle le ha e ba hona le batho tlhopho-bocha, ke hore Setsi sa Toantšo ea Bobolu le

Bomenemene (DCEO) se se be tsamaisong ea 'muso tlasa Lekala la tsa Molao empa se tla ikarabella paramenteng.

Sehlomathiso sena se fetisitsoe kamor'a hore Basotho ba lle ka hore ho bonahala DCEO e sitoa ho sebetsa ka ha bapolotiki ha ba kena pusong ba e pokotha hore e se ba phenye mahafi.

Ka hoo DCEO e se e tla tlaleha ka kotloloho paramenteng e seng ho letona kapa tona-kholo. Molao o mocha o re DCEO e sebetse e ikemetse, e sa sumetsoe ke mang kapa mang oa boemo bofe kapa bofe.

DCEO e se e tla tsejoa ka hore ke Lesotho Independent Anti-Corruption and Ethics Commission. Mosebetsi oa eona o atolositsoe ka ha e se e tla shebana le hore na batho ba sebetsa ba ipapisitse le meoloane ea boemo ba bona ba mangolo le meoloane e behileng na.

Ka lehlakoreng le leng molao e mecha ea tlhopho-bocha, e tlositse Ofisi ea Mohlahlobi e Moholo oa Matlotlo a 'Muso tlasa 'muso lekaleng la tsa lichelete, le eona ka tsela e tšoanang e se e tla ikarabella paramenteng.

Ofisi ena e se e tla tsejoa e le Setsi sa Bohlahlobi ba Libuka tsa Lichelete le Matlotlo a 'Muso 'me e tla sebetsa e ikemetse.

Masoetsa o re taba ena e tl'o tliša botsitso kahar'a naha hobane khiro ea bonamelo ba Litsi tsa Tšireletso e tla etsetsoa pepene-neng moo mang le mang a bonang, ebe ho tla botsoa bao lipotso moo ho tla hlokoa mabitsa a mararo ao tona-kholo a tla etsa khetho ho ona. O re tšepo ea bona ke hore ho tla ba le tharollo litabeng tsa naha ena le botsitso tsamaisong ea eona.

NEW

## WIDE FORMAT PRINTING

We offer durable, affordable & quick turnaround wide format prints. We can provide multiple options for indoors and outdoor applications - as well as produce any size you can imagine

## # FOR YOUR FUTURE WE CARE

●
●
●
●

Call or whats App: +266 28350815/ 22350224/ 68078124 (Whats app)

BANNERS

SIGNS

POSTERS

PRINTS

Mazenod PRINTING WORKS (Pty) Ltd  
Prepare good People for The Lord

# MOELETSI O TŠEHETSA BACHA



## Tšeliso Thakholi

**K**a leqephe lena morero o moholo ke ho holisa le ho matlafatsa likhoebo tsa lona le ho fetola bophelo ba lona. Kajeno re na le mocha e leng Basia Lemaoana (30) ea thehileng khoebo e ikhethang ea pele ea mofuta oa eona e sebet-sanang feela le ho khabela mefuta e fapakaneng ea meroho ka makhetha a maho-

lo. Khoebo ena ea hae e bitsoa Makoti Foods & Veggies.

Makoti Food & Veggies e tlasa kampani ea hae e bitsoang AliServices. Makoti e fumaneha Qalakheng Seterekeng sa Mohale's Hoek moahong oa Monghali Monese.

### TŠUSUMETSO EA HO THEHA KHOEBO

Ha ke tla qala khoebo ea meroho, ke ne ke ile ka su-sumetsoa ke ho ela hloko hore nama ka mefuta ea eona e na le mechini e e pomang ka makhetha empa

meroho eona ha e na mechini e e khabelang hantle. Ka boela ka ithuta hore ha ho na letho le nolofatsang mesebetsi ea ho khabela meroho meketeng, manyalong, mafung, malapeng le lihoteleng moo motho o neng o hopotse hore ba sebelisa mechini ea maemo a holimo bakeng sa ho khabela meroho. Ka bona hore e hlile ho ntse ho se letho, 'me meroho e ntse e khabeloa ka mefuta e itseng ea lithipa ke basebetsi.

Ka utloa boemo bona ba tlhokahalo ea mechini e ka sebelisoang ho khabela meroho ka makhetha e ntšoentse haholo. Ke ha ke tla qala ho etsa lipatlisiso tsa hore na ha esitana nama e na le mechini ka ho fapakana ha eona e e khabelang, ho tla joang hore ebe meroho ha e na eona. Kamor'a ho etsa lipatlisiso ke ile ka fumana hore ho na le mechini e khabelang mefuta eohle ea meroho, 'me e fumaneha Naheng ea China. Ka lebaka la cheseho e kholo eo ke nang le eona, ka tela sohle ka batla mechini e

khabelang meroho. Tlhase ea lerato la ho qala Makoti Foods & Veggies ke ha e kubuloha.

### QALEHO



Ke qalile khoebo ea Makoti ka la 30 Tlhakubele monogoaha, 'me ke khoebo e sa leng ncha haholo kaha re na le likhoeli tse hlano feela re qalile tšebetso ea rona. Ha ke qala ke ne ke e

na le bacha ba bararo empa ka lebaka la mathata a lichetele ba babeli ba ile ba itokolla hajoale ke sebetsa le a le mong. Re eketsa ba nakoana ha feela mosebetsi o le mongata.

### TŠEBETSO EA MAKOTI

Re le Makoti re sebetsana le meroho ka mefuta bakeng sa malapa, machato, mapato, likolo le liketsahalo tse amanang le moo meroho e hlokang ho khabeloa ka bongata le ka makhetha. Re khabella le batho ka bo mong. Re boetse rea e khabela re etsa liphutheloana tse makhetha rea li rekisa. Ka chebeho motho a ka nka mosebetsi ona o le bobebe empa o litšenyehelo haholo ho latela mechini eo ke nang le eona kaha e theko e holimo haholo. E leng hore ha motho a sa hiroa ha ho na ho ba bonolo haholo hore a ka fumana mechini ena. Ha se mosebetsi o bobebe ho hang.

### SEPHEO

Sepheo se seholo sa Makoti ke ho thehela bacha le batho ba baholo menyella ea 'maraka bakeng sa lihlahisoa tsa bona tsa temo. Ke lona leano la mantlha la rona. Ke ka lebaka lena boholo ba lihlahisoa tseo re li sebelisang e leng tsa hae koano. Ka lehlakoreng le leng re boetse re sebetsa ka matla ho hlahisetsa bacha mesebetsi.

### MAEMO A KHOEBO

hore lipakete tsa lihlahisoa tsa ka e be tse lumellehang hore li be boemong ba hore li ka ea mabenkeleng a maho-

### LIQHOLOTSO LE LIKATLEHO

Khoebo ena e sale ke e qala e ne e ntse e sa atlehe ho itefella rente, ke sitoa ho lefa basebetsi. E ne e bile e sa tsebahale, empa ka thuso ea bophatlalatsi ka 'nete e ile ea hola, ea tsebahala, 'me hajoale e se e tseba hore e ka itefelle rente le basebetsi.

### PONO

Ke batla ho hlahisetsa Basotho menyella ea khoebo haholo-holo litabeng tsa temo. Ke batla le ho khothaletsa bacha moea oa lerato la temo. Ba tsebe hore ha ba hlahisitse ba ka tseba ho isa thepa tsa bona ho kae. Ke boetse ke rata ho bona khoebo ena bonyane kamora lilemo tse peli e se e le teng literekeng tse tharo tsa naha.

### KELETSO HO BACHA

Mantsoe a ka e ka ba ho bacha ba sebetsang le ba sa sebetseng hobane u tla fumana hore rea sebetsa feela bacha ba lahla 'mele, ba lebala hore mosebetsi ha se lefa. Ho bacha ba sebet-sang nka re ba ke ba shebe ho theha likhoebo tse ling, ba se ke ba sheba feela eo ba e fumanang ha khoeli e fela, hobane meputso ea bona e ke ke ea fetola bophelo ba bona ho hang. Ba sa

Hajoale ha ke e-s'o be boemong ba hore nka isa lihlahisoa tsa ka likhoebong tse ling tse kholo. Ke sa le qalong haholo. Ho ntse ho e-na le mechini eo ke ntseng ke e hloka e tiang ho nthus

sebetseng taba e kholo ke pono ea bona ea hore na ba batla ho ba eng kapa ho etsa'ng. Ha mocha a e-na le pono e itseng ea bophelo kapa a batla ho etsang bophelong a ka leka tsohle.

# Lipholo a ka hlanola tlhabela-Mofaphahlooho



## Nthabeleng Seithleko

**M**ofapahlooho nyeoeng ea kopo ea beili ea Dr. Tšepo Lipholo, o re eo a e tingoe ka le reng menyetla ea hae ea ho baleha e holimo, ka lebaka la ho tšela malibohong a mangata a bile a e-na le botšehetsi bo toma ka ntle le kahar'e ho naha. Litaba tsena li hlalelletse Lekhotleng le Phahameng, ka la 18 Phato monongoaha.

'Muelli oa Lipholo Adv. Tebalo Potsane, o re ke tokelo ea moqosua ho etsa kopo

ea beili ka le reng ho mo tšoara le ho mo fa kotlo pele ho nyeoe ea hae ho baka tšitiso ea hore a fumane sebaka sa ho itlhophela le likhente tsa hae ha a ntse a emetse nyeoe. A re eo a ka se balehe kaha e le moparamente oa naha, moruti ea alositseng phutheho, le moetapele oa mokha oa lipolotiki; ea keng ke a sia boitsetso ba naha ea Basotho a bile a e-na lelapa, bana bahlano le mosali ea sa sebetseng.

O re ho ea ka Molao oa Motheo karolo ea botšelela (5) le khaolo 12 (2) moqosua o na le tokelo ea ho kopa beili, ha eba nyeoe e

sa buoe kapele kapa nako e haufinyane lekhotla le loke-la ho mo fa beili, le teng ho se lintho tse ka sitisang hore o a fuoe beil.

A re bopaki bo lokela ebe bo hlakileng, motho o loke-la ho bontša ka bopaki hore na eo o tla baleha joang ho latela khanyetso ea ba bueli ba 'muso. O re ho lokela ho ba le bopaki litabeng tse-na, hore na motho h'a lokotsoe o tla tla nyeoeng le ho se kena-kenane le lipaki tse teng.

O re taba ea hore Lipholo o tempisa bukana ea ho eta khafetsa ha se sesupo se phethahetseng sa ho baleha kaha eo a ne a kena a tsoa ho phetha mabaka joaloka mang le mang. A re ka nako eo o ne a e-s'o ka a batloa le ke sepolesa ka hoo ho ne ho se letho le ka mo sitisang ho phetha mabaka a hae.

O re litaba tse ling ke litaba tsa VISA e felloang ke nako ka selemo sa 2026 le hoja e se ntho e matsohong a hae e le kahar'a bukana ea ho eta ka hona lekhotla le ka tšoara libukana tseo tsa ho eta, leha e le hore esale ba li nka ka thoko ho molao.

Moetapele oa Mokha oa Selekane sa Basotho (BCM), Dr. Tšepo Lipholo, o ne a tšoaro ka la 2 Phupu monongoaha 'me ho hlalosa a qosoa ka ho susumetsa pherekano kahar'a naha le lipuo tse bohla khahlong lelapa la Botlotlehi.

Moahloli nyeoeng ena, o hlalositse a il'o imamella nyeoe ena nako e sa bolelang hore na o fana ka beili kapa che.

# DCEO e hana ho tlohela Tšolo

## Nthabeleng Seithleko

**S**etsi sa Thibelo le Toantšo ea Bobolu le Bomenemene (DCEO), se re se tla nka maipileto khahlanong le qeto ea Moahloli Tšeliso Mokoko oa Lekhotla le Phahameng la Lesotho, ea ho hlakola nyeoe ea bobolu, ea moparamente oa mehleng Temeki Tšolo, ka lebaka la ho se bonahale khotla ha eona ho ntšetsa nyeoe pele, le ho se bitsetse lipaki tsa mofapahlooho khotla, ka la 18 Phato monongoaha.

Temeki Tšolo o hlalositse hore e ne e se e le mo-toai-toai, 'me esale a maketse h'a fumana qoso ka nyeoe ena ka lebaka leo o'a itebohela hobane o fumano e se molato.

tlang ka litsela tse sa nepahalang. O re nyeoe ena e amme bophelo ba hae hampe hobane leha a tla nyeoeng ena ka lebaka la ho tlontlolloa o be a se a itlela a le mong a sia bana le molekane oa hae hobane e ne eka ke lelapa la bosholu.

A leboha batho ba ileng ba mo tšehetsa kaha Moli-mo a lula a senola lintho ka nako ea hae. Ha phethela, o hlalositse hore o tsoelapele ka bophelo ba hae e le mo-hoebi ha e le polotiki o e tsoile.

Joaloka Letona la mehleng Ofising ea Tona-Kholo, o ne a qosoa ka ho tekenela chelete e habang ho M1.7 Billione lipakeng tsa Lesotho le Fraser Solar hore e hokele matlapa a motlakase oa letsatsi, ka thoko ho tumello ea 'muso le Lekhotla la Matona ka khoeli ea Loetse 2018.



O bontšitse hore h'a tsoa 'musong o itsoetse ka chelete ea hae e mo lekaneng, e tlileng ka litsela tse nepahetseng kaha a sa rate e

Tšolo o ne a qositsoe ke DCEO ka makhetlo-khetlo, e sitiloeng ho tliša lipaki ka khotla tse neng li lokela ho fana ka bopaki.

<https://whatsapp.com/channel/0029VaksSPUJUM2dmiGDNh20>

Follow Moeletsi oa Basotho

**Official  
WhatsApp  
Channel**

*and stay connected!*



Fumana litaba tsa morao-rao, litsebis, likhatiso le tse ling ka potlako ka menoana feela!



WhatsApp: 6260 0983

[www.moeletsiobasotho.co.ls](http://www.moeletsiobasotho.co.ls)



**Mazenod PRINTING WORKS (Pty) Ltd**  
57396597  
28 350 815  
28 350 466  
[lesaoanat@gmail.com](mailto:lesaoanat@gmail.com)

**Malebela**

Scan me

**U se u ka fumana buka ea Malebela ho marang-rang a boletsoeng ka tlase kapa oa sebelisa code e kaholimo.**

Get the Akello app on Play Store, App Store, or Huawei App Gallery for Mazenod books and more. Download now!

<https://library.akello.co/downloads>

**akello**

# Vodacom le UNFPA li lokisetsa basali

## Nthabeleng Seitlheko

Vodacom Lesotho Foundation ham-moho le Mokhatlo oa Machaba Lesotho (UNFPA), li tlabotse selekane sa tšebeliso 'moho ea lilemo tse tharo se reretsoeng ho matlafatsa ntoa khahlanong le tšheketso ea bong (GBV) e ntseng e ata kahar'a naha. Litaba tsena li bile 'mokeng oa bo-ralitaba oa la 19 Phato monongoaha.

Tšebeliso ena e tiisitsoe ka ho tekenela tumellano ea ts'ebetso (MOU) 'me sena se etsahala nakong eo Lesotho le tobaneng le maemo a hloabaesang, kaha liphuputso li bontša hore basali ba ka bang 86% ba kile ba hlaloea ke tšheketso ea mofuta ona.

Mookameli e Moholo oa Vodacom Lesotho, Mongha-

li Mohale-Ralebitso o itse ho ata ha tšheketso ea basali ka lipalo tse phahameng hakana ke tšitiso e kholo nts'etsopeleng ea sechaba le Naha ea Lesotho. Ka hona a re ho sebetsana le bothata bona ho hloka hore ba kopanye matsoho bohle, ba sebelisane ka maano a fapakaneng. A re tšebeliso ena le UNFPA e bontša boitlamo ba bona ba ho loantša bothata bona ka botebo, ho tloha thibelong ho fihlela tlhokomelong ea mahlatsipa a tšheketso.

O hlalositse hore tšebeliso ena e tla akaretsa thibelo e matla sechabeng, ho tsoara baetsi ba litlo tsa molao ka boikarabello, ho matlafatsa basali hore ba bue, le ho fana ka tšebetso e feletseng ho mahlatsipa le bana ba bona.

Molula-Setulo oa Vodacom Lesotho Foundation, Monghali John Matlosa o boletse hore ba se ntse ba tšehetsa malapa a sirelet-

sang mahlatsipa a GBV ka liphallelo tse fapakaneng, empa hona joale ba thabile hobane tšebeliso ena le UNFPA e tla matlafatsa mosebetsi ona haholo.

A leboha UNFPA ka hore e kenye letsoho ntoeng ena, hobane ke ho boloka bophelo ba sechaba le ho kenya letsoho kholong ea moruo.

Moemeli oa UNFPA Lesotho, Monghali John Kennedy Mosoti o totobalitse hore tšheketso ea bong ha e khetholle sechaba kapa maemo a moruo empa e ama bohle. Ka hoo a re ho e felisa ho hloka hore bohle re eme hammoho. O itse ba ananela karolo eo Vodacom e e nkileng hobane sena se

bontša bohlokoa ba karolo ea likhoebo ka ho tliša phe-toho sechabeng.

O ile a boela a khothaletsa bo-ralitaba ho tsoela pele ho phahamisa tsebo le ho khothaletsa Naha ea Lesotho e bolokehileng bakeng sa basali le banana.

Tumellano ena ea lilemo tse tharo e tla kenyelletsa libaka tse sireletsehileng bakeng sa mahlatsipa le bana ba bona, tšebetso e felletseng e shebaneng le tlhokomelo ea ba hlasetsoeng le kopano ea balekane ho matlafatsa tšebeliso. Tse ling ke tlhokomelo le ho khutlisetsa sechabeng ba hlasetsoeng, ho tsebahatsa litaba tsa tekano ea bong le litokelo tsa botho ka mananeo a fapakaneng.

Tšebeliso ena e ncha e bontša mohato o moholo oa ho aha Lesotho le bolokehileng le nang le toka, moo basali le banana ba ka phelang ba lokolohile ba sa hleketsoe.



# Basotho ba lutse le motsu

## Nthabeleng Seitlheko

Litaba tsa Paramente li kopile hore ho lokiso e hore boemeli ba Naha ea Lesotho bo kene lipakeng mabapi le ho koaloa ha lipolokelo tsa libanka tsa Basotho ba sebetsang Afrika Boroa. Litaba tsena li hlalile kamor'a hore Machesetsa Mofomobe a tekele paramente boemo bo hloabaesang bo amang bophelo ba Basotho naheng ea boahelani, tulong ea Ntlo ea Bakhethoa ka la 19 Phato monongoaha.

Mofomobe o ile a hlalisa tlhahiso ea tšohanyetso tlas'a molao o tsamaisang ntlo; 'standing order number 29,' a kopa hore ntlo e bui-

sane ka bothata bo ntseng bo eketseha ba ho thibelo lipolokelo tsa libanka tsa Basotho Afrika Boroa.

O itse o amohetse litlaleho ho Basotho ba bang ba sebetsang Afrika Boroa, ba ileng ba bula lipoloko tsa libanka ka litokomane tse molaong tsa libukana tsa ho eta tsa Lesotho, hore libanka li ntse li thibela lipoloko tsa bona ka mokhoa o sa hlalosoang hantle, li ba qobella ho fana ka lipolomi-ti, tseo eleng hore bothata hore ba li fumane.

O hlakisitse hore basebetsi bana ba anngoeng ke bothata ke ba lefshoang meputso e menyenyane, haholo-holo ba sebetsang lifemeng le ba malapeng, 'me ba bangata ba bona ba bile ba kenya letsoho ka

tsela e kholo moruong oa Lesotho le oa Afrika Boroa.

O boetse a supa hore chelete ea meputso ea bona e bolokiloeng lipolokong tse thibetsoeng e sitisa hore ba e fihlelle, e leng se bakang mahlomola a maholo ho bona le malapa a itšetlehileng ka bona Lesotho.

H'a phethela o itse litaba tsena li bile li na le bopaki moo e mong oa basali ba Basotho ea lilemo li 35 a seng a se na monyetla oa ho kena pokellong ea hae ea chelete e kaalo ka M15, 000.00. O re litaba tsena li kotsi kaha li ama moruo oa Naha ea Lesotho 'moho le oa Afrika Boroa. Ka hoo o bona eka ho bohlokoa hore litaba tsena ha li ntse li sebetsoa semmuso li sebetsoe ka makhotla ho namolela



Basotho.

Ho feta mona, Katleho Mabeleng o ile a hlalosa hore Basotho ba hangata ba bonahala ba phela tlokotsing kaha ba sa fumane litšebeliso tsa bophelo nakong eo ba ikemetseng hobane ba baleha batho ba ba hlokoatsang. A re litaba tsena li lokela ho sebetsoa ka matla.

Mothehi oa Mokhatlo oa Basotho ba sebetsang Libakeng tseo e seng tsa habo bona le kantle ho naha, Lerato Nkhetše o hlalositse hore taba ena e bohloko hobane e amme le Basotho ba sebetsang naheng eo ba khoepong, kaha lipoloko tsa bona li koetsoe ho se tlhaloso.

O re kaha litaba tsena li buoe ke motho ea seng ka pusong, ba ee ba bone ho liehoa ho sebetsoa litaba ho shejoa hore e buoe ke mang, empa bona ba tl'o sebetsoa ka thata ho sututsa 'Muso oa Lesotho hore o hlalise hlooho litabeng tsena, e se ka lipuo empa ka liketso kaha ba le pusong tjena ka lebaka la bona Basotho bao.

"Re lebeletse bophetha-hatsi litabeng tsena, Basotho ba lokolohe kaha e se patuo e hore bao ba sotlehile naheng eo". Ke Nkhetše eo.

Ho etsa tšalo morao ea litaba tsena, o itse ba tl'o ngolla Letona la Machabeng ho bona hore e feela litaba tsena li sebetsoa.

# Thota e sa namme-Mahao

## Nthabeleng Seithleko

**M**oetapele oa Mokhoa oa Liketso le Bophethahatsi (BAP), Prof. Nqosa Mahao o re 'Muso oa Lesotho o hlekefeditse Molao oa Motheo le ho o kenya ka fen-setere kahar'a SADC, ka le reng ho na le litemana tse fetisitsoeng fela ho khahlisa SADC e se molemong oa Basotho 'me hona ke bopaki ba hore naha e tsamaisoa ke batho bao e seng ba 'nete. O boletse litaba tse na, 'mokeng oa bo-ralitaba oa la 19 Phato monongoaha.

O re ke tokelo le boikarabello ba sechaba ho sireletsa Molao oa Motheo, empa o'a bona hore thuto ea haella ho sechaba ka litaba tsa ona le hoja sechaba se loketse hore ebe se ile sa fuoa monyetla oa ho bot-

soa kapa ho ba le lentsoe litabeng tseo. O re seo ba se hlohang ke hore litemana tsa Molao oa Motheo tse fetisitsoeng ho sa ipapisoa le Molao oa Motheo li qhaloe.

O re sekhurumetsi sa sechaba se seng le seng haholo pusong ea sechaba ka sechaba ke Molao oa Motheo, 'me ha se sa sireletsoe hoo ho ama sechaba. O itse ho bonahala 'muso o

teng o hlekefeditse Molao oa Motheo le hoja o le kaholimo ho tsohle, ebile e le tšia eo bohle ba lokelang ho ikobela eona le ho lumela ho tsamaisoa ke eona.

O re ba tšoenyehile e le BAP kamor'a ho ithuta hore tlaleho eo 'muso o faneng ka eona ka molao oa leshome o seng o tekenetsoe ha se litaba tsa 'nete, kaha bao ba thobisitse molao oo ba tsebang hantle hore o na le

litaba tse sa lokelang hore ebe o hlophiselitsoe ho feta kapel'a SADC hobane ba ne ba tseba hore ha ho motho ea ka ba hanyetsang kaha tulong eo ho mengoa 'muso feela.

A re kaha SADC e khatetse ke Naha ea Lesotho e fetisitse taba tsena ba sa li hlokomela. A bontša e le botsotsi bo makatsang bo etsoang ke puso, hobane seo ba se etsang ha se

molemong oa Basotho hobane ho sebelitsoe litaba ka mokhoa o se nang seriti le tlhompho. O re moetapele o lokela ho hlompha batho 'moho le machaba hore kamoso ba tle ba tsebe hore tse buang ke eena ke litaba tseo ba ka li tšepang.

A re nakong eo Makhotla o qhalang litaba tsena, ho tli'o theola naha seriti machabeng 'moho le tsamaiso ea eona, ka hoo ba lokela ho phela ka 'nete le ho sebetisa litaba ka tsoelopele. O re naha e senyeha ha e sheba batho lifahleho hore na ke mang ea tsoanetsoeng ho qosoa ke mang ea sa tsoaneloang ho qosoa.

A re ho hlekefetsoa ha Molao oa Motheo ho ka ama mang kapa mang kaha ho ka beha bophelo ba batho tsietsing, ka hona liketso tsena li bontša hore ba pusong ba behella ka thoko tšebeliso ea Molao oa Motheo ba rata ho busa ka litakatso tsa bona eleng se hatikelang litokelo tsa sechaba. A re bona ke mokha o ikanang ka puso ea molao, ebile ba tsamaisoa ka molao.



## Section 2 e nka ka sekaja

## Nthabeleng Seithleko

**M**okhatlo o bulellang Litokelo tsa Mantlha tsa Botho Section 2, polelong ea ona ea la 18 Phato monongoaha o re o tli'o mathela Lekhotleng le Phahameng la Lesotho o il'o le kopa hore le phatlalatse sehloathiso sa setšoantšo sa Leshome sa molao oa motheo, se le ka thoko ho molao, ka le reng se nyenyefatsa molao oa naha le ho hatikela litokelo pusong ea sechaba ka sechaba.

E boela e re bohle ba fetiselitseng sehloathiso seo sa molao ho Motlotlehi ho se hlohonolofatsa, ba lokeloa ho nkeleloa likhato tsa molao ka ho mo fosisa le ho mo khelosa holim'a molao oa motheo oo a sebetse ka oona.

Ho latela Karolo ea 85(3) ea Molao oa Motheo, molao ofe kapa ofe o batlang ho fetola Khaolo ea II (ntle le likarolo tse 18(4) le 24(3))

o ke ke oa isoa ho Motlotlehi hore a o tekenele ntle le hore lipakeng tsa likhoele tse peli le tse tšeletseng kamor'a hore o fetisetsoe ke paramente, e be o isitsoe potso sechabeng 'me o amoheloe ke bongata ba sechaba ka likhetho.

Sepheo sa tiiso ena ke ho netefatsa hore batho ka bo bona, bao litokelo tsa bona li sirelelitsoeng ke Khaolo ea 2 ke bona ba fanang ka tumello ea ho fetolola ha khaolo ena.

Section 2 e kopa bohle ba nang le boikarabelo ba Mola oa Motheo ho netefatsa hore ho lateloa ka botlalo Karolo ea 85(3) pele Molao o isoa ho Motlotlehi. E lemosa hore ho romela Molao ho Motlotlehi hore a o tekenele ntle le potso sechabeng ke tlole e hlakileng ea Molao oa Motheo 'me ho tla nyenyefatsa molao o moholo joalokaha ha o tiisitsoe ke Karolo ea 2. E kopa Motlotlehi hore a sebelise tokelo ea ona tlas'a Karolo ea 78(4) ea ho hana ho tekenela molao ho fihlela o fetisitsoe le ho amoheloa ke sechaba ka potso sechabeng, ho latela Karolo ea 85(3).

E boetse e hopotsa paramente, Lekhotla la Molao oa Motheo le sechaba hore liphetoho ho khaolo e buang ka litokelo tsa motheo tsa batho li hloka tumello e tobileng ea sechaba sa Lesotho ka likhetho tsa naha, hobane Molao oa Motheo ke oa sechaba. Ka hoo phetoho ea ona, haholo-holo e amang litokelo le bolokolohi ba batho, e ke ke ea nkoa e le molaong ntle le ha e amohetsoe ke batho.

Mokhatlo ona, o matha

mehlaleng ea moetapele oa bohanyetsi Paramenteng ea Lesotho monghali Mathibeli Mokhothu, tabeng ea hore ha oa lateloa Molao oa Motheo oa Lesotho, temana

85(3) ha ho fetisoa sehloathiso seo sa molao, moo ho neng ho lokeloa hore ho isoe potso sechabeng ha ho sebetsanoa le khaolo ea bobeli ea Molao oa Motheo.

### ESTATE NOTICE

#### Estate Late LETSIE AND MALESHOBORO MOSHOESHOE E/L32/25

Notice is hereby given in terms of section 37 of the Administration of Estates and Inheritance Act 2024 calling upon all heirs, legatees and creditors of the deceased to attend a meeting on the 3rd September 2025 at 10:00 am at **TIM OFFICE COMPLEX THABA-TSEKA** for purposes of proposing some person/ persons to be appointed by the Master as executor dative to the above mentioned deceased person's estate.

**DATED AT THABA-TSEKA THIS 30TH DAY OF JULY 2025**

Master of the High Court Office  
TIM OFFICE BUILDING  
Thaba-Tseka

27 350 562 / 57396597 (whatsapp)  
bookcentre@mazenodprinting.co.ls

**Here's how to access them:**

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

**SCHOOL BOOKS**

now available on the Akello Online Library!

<https://library.akello.co/>

# Bochaba bo hohela bohahlauli-Morojele



itso la 'Ntate Leraisa', o itse selekane sa bona le LTDC se tliil'o thusa ho matlafatsa le ho bapatsa libaka tse fapakaneng tsa bohahlauli kahar'a naha, molemong oa khohlo le kholiso ea moruo ka bochaba, boqapi le 'mino oa bona.

A tiisa hore bohlahlauli ha se feela ho boha le ho hloahloaela matsaranka-tsaranka a lithaba tse ntle tsa Naha ea Lesotho, empa bonono, lipapali, boqapi le metjeko ke tse ling tse ka thusang ho atlehisa morero ona. A khothatsa le ho khothaletsa sechaba sa Basotho ho ikotla sefuba ka bochaba ba bona kaha e le bona bo supang seo Mosotho a leng sona.

## Tšeliso Thakholi

Ea tsoereng molepo e le mookameli oa Koparasi ea Lesotho ea Ntšetsopele ea Bohahlauli(LTDC), Mofumahali Mamello Morojele o re mekhoea le meetlo ea sechaba sa Basotho ke tsona tse hohelang bohahlauli kahare ho naha. O buile tsena 'mokeng oa baphatlalatsi ba litaba o bileng Holong ea Liboka ea 'Manthabiseng, Maseru ka la

18 Phato monongoaha moo LTDC e neng e tekena selekane sa lilemo tse tharo sa tšebeliso 'moho le Setsi sa Selemo sa Basotho(SSB).

Mofumahali Morojele o boleletse baphatlalatsi ba litaba hore maqhama ana a tšebeliso 'moho a tliil'o holisa le matlafatsa bochaba, moetlo le bohlahlauli kahare ho Naha ea Lesotho. A re ba rerile ho tla tsoara mekete ea bochaba selemo ho pota, e le ho fetola Naha ea Lesotho 'mamoratoa litabeng tsa bohahlauli.

O itse ba tliil'o theha sethala sa moo liqapi le bahoebi ba banyenyane ba

tlang ho ipapatsa teng, e le ho holisa litalenta le tšehetsa morero ona. Moemeli oa SSB, Mon-



ho matlafatsa bohahlauli. A ipiletsa ho bahoebi ho ghali Thabo Mampe ea tsejoang haholo ka leb-

Lebitsong la Mokhatlo oa Babolotsi, Monghali Moralla Makolometsa o itse mekhoea le meetlo ke tsa Mosotho e mong le e mong etsoe ke tsona tse hapang bahahlauli hore ba etele Naheng ea Lesotho. A re moetlo ha se lebollo feela empa lebollo ke karolo feela ea moetlo o nang le makhabane a seo Mosotho a leng sona, 'me oo Basotho ba ikotlang sefuba ka ona. A re makhabane a naha e 'ngoe le e 'ngoe ke mekhoea le meetlo ea eona, etsoe sechaba se se nang moetlo se'a timela. A thoholetsa le ho lebohela selekane sena kaha se tliil'o ba tsoela molemo le ho hopotsa sechaba sa Basotho ka bohlokoa ba ho rata le bo baballa mekhoea le meetlo ea bona.





# TSA KEREKE

## Rabalumeli o bua le Maoblata

Tšeliso Thakholi

Mopapa Leo XIV o ipilelitse ho litho tsa Kopano ea Baitlami ba Maoblata a Mohalaleli Francesca Romana ho nka mohlala oa mothehi oa bona oa ho ba le cheseho ea khasanyo ea Evangelii, boikokobetso ba hae ho manyeloi, boinehelo ba hae ho bahalaleli le boitlamo ba hae bakeng sa ho bopa bonngoe ba Kereke.

Rabalumeli o entse boipiletso bona nakong ea ketelo ea hae Ntlong ea bona motseng oa Tor de' Specchi, Rome ka la 16 Phato monongoaha moo a neng a kopanetse lithapelo le litho tsa Kopano ena.

O ile a bontša thabo ea hae e khaphatsehang ho litho haele mona a ile a atleha ho tla ba le bona thapelong le ho hlokomela ka moo ba inehelang ho Morena Molimo ka teng bakeng sa khaho ea 'muso oa hae oa leseli le khotso.

H'a qotsa molaetsa oa Mopapa Eugene IV, o itse: "Sechaba sa rona se hloka basali ba joaloka ka Mohalaleli Francesca, e leng basali ba chesehelang lentsoe la Molimo, ba susumetsoang ke cheseho ea Molimo, ba chesehelang ho sebeletsa ea phahameng ka ho fetisisa ka moea oa boikokobetso le ho ea ka

moo matla a bona a ba lumellang ka teng, ho etsisa bophelo ba boapostola le ho phela ka bo-bona bakeng sa Kriste Jesu sechabeng."

Ka mokhoa o tsoanang o ile a boela a qotsa litaba tsa Mohalaleli John Paul II ha a re: "Lefatše le hloka meea e khotatsoang le e matlafatsoang ke mohau, ha e ntse e ela hloko litlhoko le litšekamelo tsa sechaba



kajeno, e tsebang ho etsa khetho ea maikutlo a matla a Evangelii, e khethollang ka ho khalemela ka thata, ho tela ka thabo, le ho fana ka seatla se bulehileng."

Rabalumeli a tsoelapele ho totobatsa lintlha tse tharo tsa khalalelo ea Mohalaleli Francesca haholo-holo cheseho eo a ileng a inehela ka eona ho tlisa Kriste lefatšeng, boikokobetso ba hae tataisong ea manyeloi bo kopantseng le boinehe-

lo. A re Ntlo ea Baitlami ea Maoblata e etsa mosebetsi o moholo oa bohlokoa oa Mohalaleli Francesca. H'a hlokomela hore barapeli ba bangata ba Mohalaleli Francesca ba ntse ba etela Ntlo ea Baitlami lilemo tse ngata, o tiisitse hore tlhokahalo ea matlo a baitlami bana, e'a hloka haholo-holo ho sechaba sena se nang le liqholotso tse fapakaneng.

A etsa memo ho Maoblata ho tsosolosa lerato la bona hape. A ba tiisetse hore Moea o Halalelang o tla ba thusa ho ntšetsa pele thomo ea bona bakeng sa molemo oa Kereke. A qetella ka ho khothaletsa ho iphumana kamehla ba kopane le Kereke, eo e leng eona e ba talimang ka lerato le khethihileng.

Vatican News



### 2024-2025 SELEMO C

#### SONTAHA SA 21 HAR'A SELEMO



Isaia 66:18-21

Pesalema 116

Ba-Heberu 12:5-7.11-13

Luka 13:22-30



Khothatso

### Ke mang ea tla pholoha?

Potso ena ke e 'ngoe ea tse bohlokoa haholo ho tloha mengoaheng, 'me batho esale ba ipotsa eona empa Evangeling ea kajeno Kriste h'a fane ka mabitso kapa 'mapa oa liheke tsa leholimo. O beha kapel'a barutuo ba hae qholotso ena; ho se shebane haholo le hore na ho tla pholosoa mang, empa ho phela ka tsela e tla re thusa ho kena 'Musong oa Morena Molimo. Setsoantšo sa "monyako o patisaneng" ke sehopotso ho rona hore pholoho ha se ntho e bobebe, ke leeto la maikemisetso le hlokanang tumelo, botho le lerato. Moprofeta Isaia o bua ka morero oa Morena oa ho bokella batho; ba merabe eohle, lipuo tsohle ho hlaha hohle lefatšeng e leng ho bolelang hore pholoho ke ea bohle. Lengolo ho Ba-Heberu lona le re hopotsa hore lerato la Morena Molimo le tla ka boitsoaro, ho tlosa boikhanthong ho ea khalalelong. Kajeno re qholotsoa ho bekha mohau oa Morena le boikarabello ba rona ba ho arabela pitso ea hae. Monyako o patisaneng ha se oo Morena a rerileng ho khetholla ka ona, empa ke o re hlokanang ho hlobola boikhantho, boichebo le sebe. Memo e bulehile empa qeto ea ho kena e hloka boithahlobo bo tebileng.

Motho enoa ea botsitseng Kriste potso o botsitse e fosahetseng, o na lokela hore ebe o itse, "Nka pholoha joang?" mabapi le pholoho ho na le liphoso tse teng hara batho. Motho o hopola hore kaha o hlatsuo kapa o hlahile e le Makatholike o na le tekete ea ho kena Leholimong. E 'ngoe ke ea hore re hopola hore re ka kena Leholimong ka ho koetlisa meea ea rona joaloka motho ea kenang lebelelong. Kriste ka papiso ea hae ea monyako o patisaneng o re bolella hore ha re lokele ho ea moo moea o fokelang teng, empa re loantše se teng ka ho rona.

Babusi kapa baetapele ba sechaba e leng Bajudi ba ne ba e-na le khethollo 'me ba bitsa bao e seng Bajuda baetsalibe. Empa ba tla makala mohlama monyako oa pholoho o buloang, joale ba fumana bohle ba neng ba ba khetholla ba le teng kahare. Sena se bakoa ke lerato kapa boitelo bo entsoeng ke batho bana, ba ileng ba itekola, ba fumana seo ba lokelang ho se etsa ho sokoloha. Ba tlohela ho sheba letšoele, eaba ba fumana mohau ho Morena ka lebaka la liketso tsa bona.

Pholoho ea Morena ke ea batho bohle, ho tloha bochabela ho isa bophirima, empa e hloka karabo e se nang mano kapa bona boikaketsi. Lipalo tsa kajeno li hlokomelisa bohle mabapi le boikhabo, li toboketsa taba ea borutuo ba 'nete bo kenyelelitseng lerato la Morena le tsebang ho soaea mohlare. Labalabelang ho kena ka monyako o patisaneng, 'me motho ka mong a ipotse hore na o feela a phela ho latela grasía ea Morena Molimo.

Lesang ho koahela libe tsa lona ka ho pepesa bofokoli ba batho ba bang, khaohanang le ho sebelisa sekala se sebelisoang ke lefatše. Ak'u tlheleng ho ba metsi a pula a isoang hohle moo motho ea nkileng kharafu a ratang teng. Ha le hile le rata ho pholoha le tla hlobona bophelo bo tla le isa tabeng ea ho rata ke batho bohle.

Shebana le bophelo ba hau, nka nako, itekole, e ea sebakeng se khutsitseng hobane u ke ke ua utloa Morena ha u le lerateng. Ho itšeka thajana e le hobane u phetha boikarabello ba ho arabela pitso ea hau ka tsela e nepahetseng ha se sebe; kaha hoo e ka boela ea e-ba mohlala linkung tse lahlehileng tsa Morena. Ho phela bophelo bo nepahetseng ba Bokriste ha se molemong ua hau feela, empa le bohle ba pel'a hau. Bohle re romiloe, kaofela re na le thomo eo re lokelang ho e phetha lefatšeng. Ka hona etsa karolo ea hau e se re ua ikoahlaea, eaba u ntse u re, "Hoja ka mamela nka be ke se mona."

### Bahalaleli har'a Beke

|    |       |         |
|----|-------|---------|
| 25 | Phato | Warinus |
| 26 | Phato | Elias   |
| 27 | Phato | Monica  |
| 28 | Phato | Gorman  |
| 29 | Phato | Sabina  |
| 30 | Phato | Rumon   |

# O phatlalatsa sa mathomo

**Tšeliso Thakholi**

**M**okoetlisi oa Sehlopha sa Naha sa Bolo ea Maoto sa Basali sa Mehalalito, Monghali Shalane Lehohla o phatlalalitse lethathamo la sehlopha sa hae sa mathomo e le se tla thulana le sa Scorchers ea Malawi lipapaling tse peli tsa setsoalle tse tlang ho bapalloa Lebaleng la Mpira, Blantyre ka la 29 Phato monongoa-ha moo makhaola-khang a lipapali tsena tsa setsoalle a tlang ho ba ka la 31 Phato 2025.

Mathoasong a khoeli ea Phato, mokoetlisi Lehohla o ile a bokella sehlopha 'moho, ho qalella boikoetliso ba matsatsi a mararo ka beke, bakeng sa ho itokisetsa lipapali tsa mantšano tsa Mohope oa COSAFA. Ka la 27 Phato sehlopha se tla palama nonyana-tšepe Lebaleng la Machaba la

Moshoeshe I ho ea e hlanaka le ho tlela Basotho tlhohlo Naheng ea Malawi.

Sehlopha sena sa mathomo se tlang ho leba Malawi boholo ba sona se bopiloe ka libapali tsa hae koano, 'me ba bapalang kantle ho naha ba se ba tla kenyeletsoa ha matsatsi a litlholisano a se a atametse kaha lihlopha tsa bona li e-s'o ba lokolle ka molao. Kamorao hore Mehalalito e khutle Malawi mokoetlisi 'moho le bao a tšoarisaneng tšebetso le bona o tla hlokoala moo a tlang ho khetha sehlopha sa mapomelo se tlang ho bapala lipapali tsa Mohope oa COSAFA.

Lethathamo la mathomo le bitsitsoeng sehlopheng sa naha le eme tjena: lithibathibane ke Nketsetseng Chaole, 'Mamakhabane Makibinyane le Nthabiseng Hlao. Bo-mmaphala morao ke Thato Mapepesa, Tšoanelo Leboka, Bokang Ntsane, 'Mantiti Tlholoane, 'Mathabo Maphalane, Limpho Nthako, 'Maphakisi



Qhalehi le Ithabeleng Letumanyane. Ba bapalang moleng o hare ke Nthabeleng Makhabane, 'Mamasoabi Monese, Lineo Sekhonyana, Nthabeleng Potsane, 'Makhotso Moalosi le Nte-

bohelong Ramatsoku.

Athe bahlaba-lintlha bona ke Phuzile Molefe, Karabo Mabeleng, Motšelisi Makhoaphe, Nthabiseng Mohlahlobi le Mahlapane Matete. Ho sa le joalo, Me-

halalito e tlii'o leba Naheng ea Malawi, bosieong ba tse ling tsa libapali tsa eona tse hloahloa tsa sehlopha sa Kick4Life Ladies kaha le sona se tla be se itokisetsa ho tla ba kahar'a lihlopha tse 10 tse tla qothisana le-hlokoa Mohopeng oa CAF Women's Champions League Qualifiers, o tla bapal-

## Re tlii'o holisa papali ea Chess-Mokone

**Tšeliso Thakholi**

**K**amor'a ho khethoa e le President e ncha ea Mokhatlo oa Lesotho oa Papali ea Chess(CFL), Monghali Moshe Mokone o re lenyora la bona le lehlo ke ho tla sebetsa ka thata ho holisa le ho matlafatsa papali ea Chess ka mekhahlelo e fapakaneng. O buile tsena kamor'a hore a khethoe 'moho le bo-mphato'ae ba bacha likhethong tse bileng Lancers Inner, Maseru ka la 16 Phato 2025.

A re o ikemiselitse 'moho le bao a keneng komiting e ncha le bona ho tla qala pele ka ho holisa papali ea Chess mokhahlelong oa bana ba banyenyane ba likonyana le Likolong tsa Mathomo, e leng hona moo bana ba qalang ho rutoa le ho tseba papali ea Chess. "Batho bana ha ba ka fumana koetliso e ntle ho tloha bonyaneng, re tla be re e-na le sethopo se setle sa hajoale le ka moso se tla tseba ho holisa Chess." A rialo.

A re mokhahlelo o hlahlamang oo ba tlii'o o holisa ke oa bana ba Likolo tse Phahameng bao boholo

ba seng ba ntse ba e-na le leseli la papali ena. Ka hona ba se ba hloka feela koetliso e matla, e le ho matlafatsa litsebo papali e tsebe ho hola. Ntlha ea boraro eo a itseng ba tlii'o holisa papali ka eona, ke ho tla chorisana litsebo tsa batho ba seng ba ntse ba le teng kahare ho papali le ho fana ka koetliso ho ba-koetlisi.

"Kholo e 'ngoe ea bohlokoa ke eo re lokelang ho e fa libapali tsa rona,

batsamaisi ba lihlopha le batsamaisi ba litlholisano kaha sena se tla bebofatsa ho holisa papali ea rona." O boletse joalo a bile a eketse ka hore papali ea Chess e monyetleng o moholo oa ho hola kapele ho feta lipapali tse ling kahar'a naha kaha e se e ntse e le teng kahar'a lenane-thuto la likolo, 'me se hlokaahalang ke hore ba sebetse 'moho le litichere ho e holisa.

A re ntlha e 'ngoe ea bohlokoa e ka holisang

papali ea bona ke ho matlafatsa botho ba lihlopha kaha sena se ka tseba ho thusa hore Chess e matlafale le ho pharalla le naha. A qetella ka hore mosebetsi o mongata oo ba lokelang ho tla o etsa ke ho holisa Chess nakong ena ea lilemo tse hlano tseo ba khethiloeng ho tla sebeletsa kholo le katleho ea papali ena. A tiisa hore ke hona ba tla lula fatše ho hlahloba meralo e neng e se e ntse e le teng, eo ba tlang ho e ntšetsa pele. "E le ho atlehisa merero ena ea rona re hloka tšehetso ea lichelete, 'me re se re kopa bahoebi ho etsa letsoho la monna." Ke Mokone eo. Ho sa le joalo, likhetho tsena tse ileng tsa thoholetsoa ke barati le batšehetsi ba papali ea Chess Molula-Setulo ke Moshe Mokone, Motlatsi ke Moorosi Moorosi, Mongoli ke Monaheng Motlomelo.

Haele Ramatlotlo ke Lieketseng Ngatane, Raliphatlatso ke Lieketseng Makhalemele, Ofisiri ea Ntšetsopele ke Moseli Phera, Moemeli oa Libapali ke Sechaba Khalema. Ha Litho e le Bokang Ntheola, Teboho Cekwane le Sekama Monakale. Komiti ena e lebelletsoe ho nka lilemo tse hlano e sebetsa ka thata ho holisa papali ea Chess.



loa Johannesburg, Afrika Boroa ho tloha ka la 22 ho isa la 31 Phato monongoa-ha. Ha li thakhoha kick4Life Ladies e tla botsana lipotso le sehlopha se matla sa Mamelodi Sundowns Ladies.

Kick4Life Ladies mohopeng ona e hlahlama sehlopha sa LDF Ladies se neng se kenele lipapali tsena ka selemo sa 2021 le 2023, moo ka bobeli ba tsona se neng se felle ka ho tsoa mokhahlelong oa lihlopha. Kick4Life Ladies e ile ea etsa nalane ha e ne e phethetse lipapali tsa eona tsa Liki e Kholo ngoahola, ka ho ranthanya le ho tlotlolla Thaba-Tseka Ladies e seng e theohetse mokhahlelong o ka tlase oa liki ka phafa ea 10-0. Ka tšebetso ea eona e ntle lipapaling tsa Liki ngoahola, Basotho ba na le tšepo e kholo ea hore e tla ba sona sehlopha sa pele sa ho tlela Lesotho tlhohlo.



# Berea Ladies e nka mohope

**Tšeliso Thakholi**

Sehlopha sa Bolo ea Maoto sa Basali sa Berea Ladies ke bompoli ba lihlopha tse 'ne tse tšehetsoang ke Kampani ea Alliance, litholisanong tsa Mohope o mocha oa Alliance o bapetsoeng Lebaleng la Setsi sa Tlhabollo ea Batšoarua(LCS), Maseru ka la 16 Loetse 2025. Lihlopha tse 'ne tse neng li isana holimo le tlase e bile Linare Ladies, Matlama Ladies, LCS Ladies le Berea Ladies e lihlopheng tsa Liki e Kholo ea Basali ea Women Super League. Papaling ea pele Berea Ladies e ile ea qala ho bula tsela ea eona ea ho ea ho makhaola-khang ka ho tete-ka Matlama Ladies ntle ho qenehelo ka phafa ea 5-1. Ha papaling ea bobeli Linare Ladies e ile ea thakhisa LCS Ladies ka 4-0. Lihlopha tse ileng tsa ea ho makhaola-khang ke Linare Ladies le Berea Ladies. Papali ena e bile e matla haholo lipakeng tsa lihlopha tsena tse peli, 'me ke hona moo sehlopha sa Berea La-

dies se ileng sa ipaka hore ha se potele e khoathoang ka lehlaka ka ho itsamaela bolacha ka Linare Ladies. Leha e le hore Linare Ladies e ile ea hloloa ho sebelisa menyetla e mengata, Berea Ladies e ile ea e khakhatha 6-0, 'me ea ikhaphela limentlele tsa khauta le Mohope oa pele oa bolo ea maoto ea basali o tšehelitsoeng ke kampani ea Alliance. Libapali tse neng li hlile li iketsetsa borata ka

Linare Ladies e bile Katleho Mafereka ea ileng a hakisa ntlha e le 'ngoe, 'Makhotso Moalosi a hlaba ntlha tse peli le Phuzile Molefe ea ileng a hlaba tse tharo. Bobeli ba sehlopheng sa naha sa Mehalalitoe. Pusanong le Mokoetlisi oa Berea Ladies Monghali Lehloenyha Nkhasi o itse lipapali tsena li bile bohlokoa haholo ho bona kaha ke tsona tse neng li thusa sehlopha ho ichorisa bakeng sa

lipapali tse tlii'o qala tsa Liki e Kholo. A boela a tiisa hore ba tekenne Phuzile Molefe ho hlaha sehlopheng sa LDF Ladies ho tla matlafat- sa sehlopha sa bona. A re monongoaha ba batla ho tla hahara mehope eohle ho kenyeletsa le oa Liki e Kholo. Ka lehlakoreng le leng Mokoetlisi oa Linare Ladies Monghali Mahao Nkhasi o itse le ha ba lahlehetsoe ke papali ena, o motlotlo haho-

lo ke tsela eo sehlopha sa hae se bapetseng ka eona. A re o thabile haholo kaha tahlehelo ena e ba thusitse hore ba itemohe le ho lokisa moo ba fokolang teng. A re Berea Ladies ke sehlopha se sehlo 'me ba ne ba sa lebella ha kalo tlhelo, empa ho itokisa le hona ho nka malebela ao ba tlang ho oa sebelisa sebakeng sa lipapali tsa bona tsa liki ea mokhahlelo o ka tlase oo ba bapalang ho ona.



# Tšehla o ea ho Members

**Tšeliso Thakholi**

Sehlopha se tsoa kena lihlopheng tse kholo sa Members se mothating oa ho tsoasa sebakeng seo e leng thalaboliba le mohlaba-lintlha ea hloahloa ea neng a bapalla sehlopha sa Swallows lipapaling tsa Liki ea A Division ngoahola, eleng Relebohile Ramahlele 'Tšehla' ka moo ba mo reneketsang ka teng selikalikoeng sa bolo ea maoto. Motlalehi oa Moeletsi oa Basotho o ile a buisana le khalala ena ho mo botsa ka litaba tsa mabare-bare a hore o ea sehlopheng se secha Liking e Kholo sa Members, seo motlalehi a 'moneng a ntse a ikoetlisa le sona le ho hlakisa ntlha-kemo ea hae hantle ka talenta ea hae ea bolo ea maoto kamor'a ho hlaha kotsi e mpe haholo ngoaloha lipapaling tsa A Division. Tšehla o boletse hore

hajoale morero o moholo oa hae ke ho bona hore o holisa talenta ea hae ea bolo ea maoto ka ho bapal-



la sehlopha sa Members. A re lerato la hae le lehlole sehlopheng sa Members kaha e bontša khahlelo le tsotello ho eena ea hore e batla hore ebe e mong oa libapali tsa eona. A re a ka bapalla Swallows ha feela e ka phetha litumellano tseo a tla beng a li hloka hore sehlopha se tle se mo etsetse tsona. Litumellano tsena o boletse e sa ntse e le lekunutu kaha botsamaisi ba sehlopha bo e-s'o re letho ho eena. Ka hona a ka li hlakisa ha feela a se a ile a tsoara lipuisano le botsamaisi ba sehlopha. A tiisa hore o ntse a rata Swallows haholo kaha e le sehlopha se ileng sa mo holisa papaling ea bolo ea maoto, empa ho ntse ho e-na le lintlha tse itseng tseo ba lokelang ho li lulela fatše hore li hlake hantle. Potsong ea hore na ebe o etsa'ng sehlopheng sa Members? O boletse hore kaha o rata papali ea bolo ea maoto e bile sehlopha sa Swallows ha se e-s'o re letho ho eena, o ikisitse sehlopheng sa Members ho ea koetla le sona, 'me

lipuisano li se li hatetse pele haholo 'me ba se ba le malala-a-laotsoe ho utloa hore na Swallows e batla hore ba behe matšelisano a bokae kaha mokhahlelong oa A Division libapali li sa rekisoe. A re seo a se laba-labelang ke ho bona talenta ea hae ea bolo ea maoto e mo phelisa le ho mo etsetsa bokamoso bo chabileng. A qetella ka hore a ka lakatsa ho ipona ka letsatsi le leng a le sehlopheng se sehlo sa naha, 'me o tlii'o sebet- sa ka thata ho fihlela lita- ba-tabelo tsa hae. Ho sa le joalo, lipapaling tse tsoa feta tsa Winter Charity Tournament, Tšehla e bile e mong oa libapali tse hloahloa tse ileng tsa ipabola ka papali ea hae e tsoileng matsoho le ho ba mohlaba-lintlha ea hloahloa, empa h'a ka a fumana khau eo kaha sehlopha sa habo se ne se behelloe ka thoko lipapaling tsa ho qetela kamor'a ho se utloisisane le ba neng ba hlophisa litholisanano tseo. Sehlopha se ne se khutlisetsoe chelete ea sona e kaalo ka M300.00 eo se neng se ngolisitse ka eona bakeng sa ho kenela lipapali tseo.